

Bases para a selección do alumnado da Escola de Hostalaría 2018-2019 co obxeto de cubrir unha vacante e confeccionar unha listaxe de agarda

1.- Obxeto

A finalidade destas bases é seleccionar ó alumnado que participará na acción formativa de Cociña que se levará a cabo durante os anos 2018-2019 na Escola de Hostalaría do Concello de Carballo. Esta formación ten unha duración total de 1.135h das cales 320h son prácticas en empresas e 815h. serán teórico- prácticas que se realizarán nas instalacións do forum Carballo.

2.- Finalidade

Formar ao alumnado nun periodo no sector da hostalaría, máis concretamente en cociña e servizos de restaurante, baixo uns parámetros de calidade que se axusten ás necesidades reais do mercado de traballo favorecendo a inserción dos/as desempregados/as a un posto de traballo e/ou mellorando a cualificación das persoas traballadores en activo.

Desenvolverase no forum Carballo ata o mes de xuño de 2019 excepto 320h. de prácticas en empresas que se realizarán nos meses de xullo e agosto (2019) e nas entidades colaboradoras.

3.- Requisitos dos aspirantes

Os criterios para participar no proceso de selección para participar como alumno/a desta acción formativa son:

- Posuír unha titulación mínima de Graduado en Educación Secundaria Obrigatoria ou equivalente a nivel profesional.
- Ter un mínimo de 18 anos cumpridos no momento de presentar a súa solicitude.

4.- Inscripcións

A folia de solicitude estará á disposición dos/as candidatos/as no 2º andar do Edificio Forum ou na páxina web municipal unha vez aberto o prazo de inscrición.

Entregaranse dende 19 até o 23 de novembro de 2018 no Rexistro Xeral do Concello de Carballo en horario de luns a venres de 9.00 a 13.30h, en calquera dos rexistros auxiliares existentes en horario de luns a venres de 11.00h a 13.30h ou ben en calquera outro establecido no artigo 16 da Lei 39/2015, do 1 de outubro do Procedemento Administrativo común das Administracións Públicas. Coa presentación da solicitude para tomar parte neste proceso selectivo entenderase que os/as

interesados/as aceptan e acatan as bases desta convocatoria.

Coa solicitude non se entregará ningunha documentación complementaria.

5.- Proceso de selección. Exercicios

Este proceso de selección constará de 3 exercicios eliminatorios, que se realizarán nun só día nas instalacións Forum Carballo. Todos os/as aspirantes que presenten, en prazo e forma, a súa solicitude realizarán as tres probas de forma consecutiva.

Os 3 exercicios son sumatorios (sempre e cando alcancen a puntuación mínima esixida para cada un deles: 5) e a súa porcentaxe sobre a nota final será 20%, 30% e 50% respectivamente.

Os/as aspirantes que non acaden a puntuación mínima esixida nunha proba quedarán eliminados/as e non se correxirán as probas restantes.

A listaxe de aspirantes que superen as tres probas farase pública no taboleiro sito no segundo andar do edificio forum Carballo e na páxina web municipal. Os/as aspirantes terá un prazo de tres días para realizar alegacións e/ou reclamacións que consideren oportunas.

En caso de empate, e para dirimir este, atenderase en primeiro lugar á proba que ten maior valor na puntuación total e que corresponde á proba práctica (50%), e en segundo lugar, de persistir o empate, á puntuación obtida no segundo exercicio de maior relevancia pola súa puntuación e que corresponde á entrevista (2º exercicio cun 30%). Se aínda subsiste o empate, resolverase coa valoración obtida na proba teórica (20% sobre a nota final).

Se sigue existindo o empate resolverase por orde alfabética comenzando polos/as aspirantes cuxo primeiro apelido comece pola letra "G", atendendo á Resolución da Consellería de Facenda do 17 de xaneiro de 2018, pola que se publica o resultado do sorteo celebrado nese día (DOG 16/01/2018), en cumprimento do disposto no artigo 9 do Regulamento de selección de persoal da Administración da Comunidade Autónoma de Galicia de 20/03/1991.

A orde de colocación dos/as aspirantes na lista definitiva de aprobados/as establecerase de maior a menor puntuación.

5.1.- Primer exercicio: Proba escrita de contidos teóricos

A proba terá como obxecto avaliar, obxetivamente, os coñecementos, aptitudes e habilidades dos/as aspirantes neste ámbito profesional.

Consistirá en contestar nun tempo máximo de 60 minutos un cuestionario tipo test de 40 preguntas con catro respostas alternativas das que só 1 será a correcta vinculadas á temática do curso. O exercicio será calificado de 0 a 10, e será preciso acadar un mínimo de 5 puntos para superalo. Os/as aspirantes que non alcancen esta puntuación mínima serán eliminados do proceso. Cada pregunta correcta terá un valor de 0.25.

5.2.- Segundo exercicio.- Entrevista curricular e por competencias

Nesta fase, o tribunal valorará ós/ás aspirantes en relación á súa actitude, motivación, e interese pola acción formativa, a súa traxectoria laboral no sector da hostalaría e a súa idoneidade para o posto de traballo. Terase en conta nesta fase a súa dispoñibilidade horaria e xeográfica así como a súa actitude de cara o mercado de traballo.

Os/as aspirantes deben aportar toda a documentación curricular que posúan para que o tribunal poida avaliala (cv, vida laboral, contratos de traballo, cursos,...). Os/as aspirantes que non presenten a documentación non se lle terá en conta no proceso e polo tanto non poderá ser valorada.

A entrevista será valorada cun máximo de 10 puntos. Para poder superar esta fase é necesario obter unha puntuación mínima de 5.

2.3.- Terceiro exercicio.- Proba práctica

Realizarase unha proba práctica ("bootcamp") nas instalacións da escola de hostalaría no forum Carballo. Consistirá nunha proba de cociñado na que, nun tempo máximo de 90 minutos, os/as aspirantes deberán elaborar un prato partindo dun ingrediente común entre todos eles a elixir polo tribunal seleccionador.

O tribunal valorará os pratos atendendo ó seu sabor, presentación, creatividade e limpeza en cada presentación.

A proba valorarase sobre 10 e será necesario obter un mínimo de 5 puntos.
